



NANCY BARGMANN
TUS THAWJ COJ SAIB
XYUAS HAUJ LWM

Xeev California—Lub Chaw Sawv Cev Muab Kev Pab Cuam Kev
Noj Qab Haus Huv thiab Tib Neeg

Department of Developmental Services

1215 O Street, Sacramento, CA 95814

www.dds.ca.gov



GAVIN NEWSOM
TSWV XEEV

Lub Plaub Hlis Ntuj Tim 25, 2024

XA RAU: COV THAWJ COJ SAIB XYUAS HAUJ LWM NTAWM LUB CHAW HAUJ CHEEB
TSAM

HAIS TXOG: LUB KHOOS KAS KEV TXIAV TXIM UAS YUS TXIAV TXIM YUS: NQI ZOG NTAWM
TUS TSWV HAUJ LWM THIAB LWM COV NQI UAS CUAM TSHUAM RAU KEV UA
HAUJ LWM

Qhov lus qhia no suav nrog cov ntaub ntawv rau cov neeg koom nrog ntawm Lub Khoos Kas Kev Txiaiv Txim Uas Yus Txiaiv Txim Yus (Self-Determination Program, SDP), cov chaw hauv cheeb tsam thiab Cov Kev Pab Cuam Kev Tswj Fab Nyiaj Txiaj (Financial Management Services, FMS) ntawm SDP ntsig txog tswv hauj lwm qhov nqi siv rau kev txais neeg ua hauj lwm thiab lwm cov nqi uas cuam tshuam rau kev ua hauj lwm. Qhov lus qhia no yog tau tawm raws li Tsab Cai Kev Noj Qab Nyob Zoo thiab Cov Chaw Kho Mob (W&I) ntu 4685.8(p)(2) uas tso cai rau Lub Tuam Tsev Hauj Lwm ntsig txog Kev Tsim Kho Cov Kev Pab Cuam (Lub Tuam Tsev Hauj Lwm) tawm qhov lus txib los sis cov lus qhia ntawm lub khoos kas uas sib thooj kom txog thaum yuav muaj kev lees txais tau tsab cai los siv.

Nqi zog ntawm tus tswv hauj lwm thiab cov nqi uas cuam tshuam rau kev ua hauj lwm yog siv tau rau kev ntiav cov neeg koom nrog tus neeg ua hauj lwm ntawm SDP raws li tus tswv hauj lwm sib koom los sis cov qauv tus tswv hauj lwm ib leeg. Cov nqi zog ntawm tus tswv hauj lwm yuav tsum suav nrog tus neeg hauj lwm lub phiaj xwm nyiaj siv ntawm SDP.

Tej zaum lwm cov nqi uas cuam tshuam rau kev ua hauj lwm yuav tsum tau teeb tseg los ntawm txoj cai lij choj los sis txoj cai ntawm lub tuam txhab los sis tej zaum yuav yog cov nqi txhab ntxiv uas pom zoo rau los ntawm tus neeg koom nrog thiab lawv tus neeg ua hauj lwm ntawm SDP. Tus neeg koom nrog lub phiaj xwm nyiaj siv ntawm SDP yuav pab them cov nqi kev pab cuam thiab cov kev txhawb nqa uas teev tseg nyob rau hauv lawv lub phiaj xwm nyiaj siv, uas suav nrog nqi zog ntawm tus tswv hauj lwm thiab cov nqi uas cuam tshuam rau kev ua hauj lwm uas tau hais tseg nyob rau hauv qhov lus txib no. Tsis muaj cov nqi uas yuav suav nrog tus neeg koom nrog lub phiaj xwm nyiaj siv SDP.

Nqi Zog Ntawm Tus Tswv Hauj Lwm

Nqi zog ntawm tus tswv hauj lwm yuav raug hais tseg nyob rau hauv thiab tau txais kev them los ntawm tus neeg koom nrog lub phiaj xwm nyiaj siv ntawm SDP thiab muaj ciam txwv.

- Tsab Cai Hais Txog Cov Nyiaj Pab Kev Tuav Pov Hwm Ntawm Tsoom Fwv (Cov Se FICA)
- Tsab Cai Hais Txog Nyiaj Se Kev Poob Hauj Lwm Ntawm Tsoom Fwv (Cov Se FUTA)
- Tsab Cai Hais Txog Kev Poob Hauj Lwm Ntawm Xeev (Cov Se SUTA)
- Se Kev Cob Qhia Fab Kev Ua Hauj Lwm (Employment Training Tax, ETT)
- Cov neeg ua hauj lwm li kev tuav pov hwm nyiaj pab
- Hnub so muaj mob uas tau txais kev them nyiaj

Qee cov nqi zog ntawm tus tswv hauj lwm yuav zoo ib yam rau txhua cov kws muab kev pab cuam ntawm FMS, xws li cov se, thaum uas lwm cov neeg yuav sib txawv ncu ntawm cov kws muab kev pab cuam ntawm FMS, xws li cov neeg ua hauj lwm li kev tuav pov hwm nyiaj pab.

Cov Thawj Coj Saib Xyuas Ntawm Lub Chaw Hauv Cheeb Tsam Nyob Rau Lub Plaub
Hlis Ntuj Tim 25, 2024
Nplooj ob

Cov sib txawv ncuas ntawm tus tswv hauj lwm sib koom thiab cov qauv tus tswv hauj lwm ib leeg yog tau piov tseg nyob rau hauv [Lub Kem Ntawv Kev Muab Sib Piv Cov Qauv FMS](#) uas tau muab tso tawm nyob rau hauv Lub Tuam Tsev Hauj Lwm lub vev xaib.

Lwm Cov Nqi Uas Cuam Tshuam Rau Kev Ua Hauj Lwm

Yuav tsum kom tus neeg koom nrog li FMS muab qee cov nyiaj pab txhab ntxiv xws li kev tuav pov hwm noj qab haus huv ntawm Tsab Cai Hais Txog Kev Saib Xyuas Uas Them Taus los sis Lub Khoos Kas Nyiaj Txuag Kev So Noj Nyiaj Laus Ntawm CalSavers rau tus neeg koom nrog cov neeg ua hauj lwm ntawm SDP. Tej zaum FMS kuj yuav muaj cov nyiaj pab uas muab rau txhua tus ntawm peb cov neeg ua hauj lwm, uas suav nrog tus uas txhawb nqa cov neeg koom nrog ntawm SDP, xws li kev saib xyuas kho hniav los sis qhov muag pom kev. FMS yuav sib sab laj txog cov nyiaj pab no thiab cuam tshuam rau cov nqi uas cuam tshuam nyob rau hauv lub phiaj xwm nyiaj siv nyob rau ncuas sijhawm kev tawm phiaj xwm kev pab cuam xub thawj thiab nyob rau lub sijhawm uas muaj tej cov kev hloov pauv.

Tab txawm tias tsis tsim nyog los xij, tej zaum tus neeg koom nrog thiab lawv cov neeg ua hauj lwm yuav pom zoo qhia lwm cov nyiaj uas cuam tshuam rau kev ntiav neeg tuaj ua hauj lwm xws li:

- Kev Tuav Pov Hwm Kev Noj Qab Haus Huv
- Cov nyiaj pab kev so noj nyiaj laus
- Kev ua hauj lwm dhau sijhawm tshwm sim thaum uas ua hauj lwm nrog tus neeg koom nrog SDP

Txheej Txheem Raws Tus Qauv Cai rau Kev Ceeb Toom Txog Cov Nqi Zog Ntawm Tus Tswv Hauj Lwm thiab Cov Nqi Uas Cuam Tshuam Rau Kev Ua Hauj Lwm Txhawm kom ua tau raws li tus txheej txheem raws tus qauv cai rau kev xa lawv cov nqi zog ntawm tus neeg ua hauj lwm SDP ntawm FMS, lwm cov nqi uas cuam tshuam rau kev ua hauj lwm, thiab cov kev ceeb toom tom qab, Lub Tuam Tsev Hauj Lwm yuav tsum:

- A. Tsis Pub Dhau Lub Tsib Hlis Ntuj Tim 31, 2024, cov kws muab kev pab cuam FMS yuav ceeb toom rau lawv lub chaw hauv cheeb uas ua hauj lwm rau hais txog tus tswv hauj lwm qhov nqi siv txais neeg ua hauj lwm uas siv “Daim Foos Ua Qauv Tswv Hauj Lwm Qhov Nqi Siv Rau Kev Txais Neeg Ua Hauj Lwm thiab Cov Nqi Cuam Tshuam Kev Ntiav Ua Hauj Lwm” uas tau xa tuaj nrog (Daim Foos), thiab, raws li qhov thov tuaj ntawm lub chaw hauv cheeb tsam txog kev muag khoom, muab cov ntaub ntawv kev txhawb nqa rau cov nqi sib txawv uas suav nrog Daim Foos. Lub chaw hauv cheeb tsam txog kev muag khoom yuav tshab xyuas Daim Foos thiab xa ib daim theej tawm ntawm txhua tej Daim Foos rau Lub Tuam Tsev Hauj Lwm kom tsis pub dhau Lub Rau Hlis Ntuj Tim 30, 2024, los ntawm SDP@dds.ca.gov rau kev pom zoo. Lub Tuam Tsev Hauj Lwm yuav pom zoo thiab muab daim theej tawm ntawm Daim Foos uas tau txais kev pom zoo rau lub chaw hauv cheeb tsam txog kev muag khoom thiab tso tawm mus rau Lub Tuam Tsev Hauj Lwm lub vev xaib kom tsis pub dhau Lub Xya Hlis Ntuj Tim 31, 2024. Tom qab tau txais kev pom zoo ntawm Lub Tuam Tsev Hauj Lwm, lub chaw hauv cheeb tsam yuav xa Daim Foos uas tau txais kev pom zoo rau FMS kom tsis pub dhau 10 hnub tom qab tau txais.

FMS yuav muab daim theej tawm ntawm Daim Foos uas tau txais kev pom zoo rau cov neeg koom nrog SDP. Dhau li ntawd lawm FMS yuav muab cov ntaub ntawv qhia meej tseeb txog lwm cov nyiaj pab kev ua hauj lwm uas cov neeg koom nrog SDP thiab lawv tus neeg ua hauj lwm xaiv. Txhua cov nqi kev ua hauj lwm ntawm tus neeg ua hauj lwm uas tsim nyog thiab uas tau xaiv tseg yuav tsum suav nrog tus neeg koom nrog lub phiaj xwm nyiaj siv.

Cov Thawj Coj Saib Xyuas Ntawm Lub Chaw Hauv Cheeb Tsam Nyob Rau Lub Plaib
Hlis Ntuj Tim 25, 2024
Nplooj peb

Cov neeg koom nrog, uas muaj kev txhawb nqa los ntawm lawv li FMS thiab lub chaw hauv cheeb tsam, yuav hloov kho tshiab lawv cov nqi nyiaj siv uas muaj tej cov kev hloov kho rau lawv tus nqi zog ntawm tus tswv hauj lwm ntawm FMS saib raws li Daim Foos uas tau txais kev pom zoo thaum muaj ib ntawm cov hauv qab no tshwm sim tuaj, seb qhov twg yog qhov tshwm sim ua ntej:

- Thaum pib lub xyoo peev nyiaj ntiag tug tshiab; los sis
- Thaum tus neeg koom nrog thov; los sis
- Tsis Pub Dhau Lub Kaum Hlis Ntuj Tim 31, 2024.

B. Tom Qab Lub Kaum Hlis Ntuj Tim 31, 2024, tej cov kev hloov pauv rau FMS cov nqi zog ntawm tus tswv hauj lwm uas tau txais kev pom zoo thiab cov kev ceeb toom uas tau hais los ntawd yuav raug lis hauj lwm ua:

- Cov kws muab kev pab cuam FMS yuav xa Daim Foos tshiab, raws li tej cov ntaub ntawv kev txhawb nqa uas tau thov, rau lawv lub chaw hauv cheeb tsam txog kev muag khoom txhawm rau tshab xyuas ua ntej txog qhov kev siv uas tau nqua thov.
- Tom qab tshab xyuas thiab nyob rau hauv 15 hnub tom qab tau txais, lub chaw hauv cheeb tsam txog kev muag khoom yuav muab daim theej tawm ntawm Daim Foos rau Lub Tuam Tsev Hauj Lwm los ntawm SDP@dds.ca.gov rau kev pom zoo.
- Lub Tuam Tsev Hauj Lwm yuav tshab xyuas thiab pom zoo rau Daim Foos tshiab nyob rau hauv 15 hnub tom qab tau txais thiab muab daim theej tawm ntawm Daim Foos uas tau txais kev pom zoo rau lub chaw hauv cheeb tsam txog kev muag khoom thiab tso tawm rau Lub Tuam Tsev Hauj Lwm lub vev xaib.
- Lub chaw hauv cheeb tsam yuav muab Daim Foos uas tau txais kev pom zoo ntawm Lub Tuam Tsev Hauj Lwm rau FMS kom tsis pub dhau 10 hnub tom qab tau txais.
- Cov neeg koom nrog SDP yuav tau txais daim theej tawm ntawm Daim Foos uas tau txais kev pom zoo los ntawm lawv li FMS uas yog tus neeg muag khoom ua ntej hnub tim siv uas tau nqua thov. Tus neeg koom nrog, uas muaj kev txhawb nqa los ntawm lawv li FMS thiab lub chaw hauv cheeb tsam, yuav ua cov kev hloov pauv uas muaj kev tsim nyog nyob rau hauv lub phiaj xwm nyiaj siv.

Cov kws muab kev pab cuam FMS yuav hloov kho tshiab lawv tus nqi zog ntawm tus tswv hauj lwm kom tsis pub dhau ib zaug rau ib xyoo, tshwj tsis yog muaj qhov tshwm sim tawm los ntawm kev hloov pauv tseem ceeb nyob rau hauv txoj cai los sis txoj cai lij choj thiab muaj kev pom zoo los ntawm Lub Tuam Tsev Hauj Lwm.

Lwm Cov Ntaub Ntawv Ntsig Txog Kev Siv Nqi Zog Ntawm Tus Tswv Hauj Lwm

Hnub tim pib siv tau qhov nqi zog ntawm tus tswv hauj lwm uas tau hloov kho dua tshiab yog hnub tim uas lub phiaj xwm nyiaj siv tau hloov kho dua tshiab tau txais kev tso cai los pib.

Kev hloov pauv nyob rau hauv tus nqi zog ntawm tus tswv hauj lwm yuav tsis xam tias yog kev hloov kho rau tus neeg koom nrog peev nyiaj ntiag tug tshwj tsis yog muaj kev txiav txim cov xwm txheej rau kev hloov kho rau peev nyiaj ntiag tug raws li tau piav tseg nyob rau hauv Tsab Cai W&I ntu 4685.8(m)(1)(A)(i)(I) txhawm kom phim los ntawm tus neeg koom nrog pab pawg neeg ua hauj lwm Lub Phiaj Xwm Khoos Kas Ntiag Tug.

Cov Thawj Coj Saib Xyuas Ntawm Lub Chaw Hauv Cheeb Tsam Nyob Rau Lub Plaub
Hlis Ntuj Tim 25, 2024
Nplooj plaub

Yog tias tus neeg koom nrog thiab/los sis lawv cov yim neeg muaj cov lus nug ntsig txog qhov
lus qhia no, ces lawv tsim nyog txuas lus rau lawv lub chaw hauv cheeb tsam. Cov lus nug los
ntawm cov chaw hauv cheeb tsam tsim nyog yuav tau xa ncaj nraim mus rau sdp@dds.ca.gov.

Sau npe,

Tau Rau Npe Xub Thawj los ntawm:

BRIAN WINFIELD
Tus Lwm Thawj Coj Saib Xyuas

Cov Ntaub Ntawv Xa Tuaj Nrog

theej xa mus rau: Cov Thawj Coj Ntawm Lub Chaw Hauv Cheeb Tsam
Cov Thawj Coj Saib Xyuas Hauj Lwm Ntawm Lub Chaw Hauv Cheeb Tsam Txog Cov
Kev Pab Cuam Neeg Siv Khoom (Regional Center Directors of Consumer Services)
Lub Koom Haum Cov Thawj Coj Muab Kev Pab Cuam Hauv Zej Zog Ntawm Lub
Chaw Hauv Cheeb Tsam Txog Cov Chaw Sawv Cev Ntawm
Lub Chaw Hauv Cheeb Tsam (Regional Center Community Services Directors
Association of Regional Center Agencies)
Xab Phas Xeev Txog Kev Xiam Oob Qhab Fab Kev Loj Hlob
Nancy Bargmann, Lub Tuam Tsev Hauj Lwm ntsig txog Kev Tsim Kho Cov Kev Pab
Cuam
Carla Castañeda, Lub Tuam Tsev Hauj Lwm ntsig txog Kev Tsim Kho Cov Kev Pab
Cuam
Ernie Cruz, Lub Tuam Tsev Hauj Lwm ntsig txog Kev Tsim Kho Cov Kev Pab Cuam
Jim Knight, Lub Tuam Tsev Hauj Lwm ntsig txog Kev Tsim Kho Cov Kev Pab Cuam
Suzy Requarth, Lub Tuam Tsev Hauj Lwm ntsig txog Kev Tsim Kho Cov Kev Pab
Cuam
Kathleen Dempsey, Lub Tuam Tsev Hauj Lwm ntsig txog Kev Tsim Kho Cov Kev Pab
Cuam